



Arubaanse Courant

ANJA 25

DIABIerna 14 FEBRUARI 1964

No. 4964

APUNTES EDITORIAL

MILO CROES TA ABUSA DI PODER CONTRA DI ARUBAANSE COURANT

ORANJESTAD, 14 Febr. - Nos ta scirbi e editorial aki como unos ta di opinion cu Arubaanse Courant inhustamente a worde menosprecia door di senjor Milo Croes, presidente di Comite Central di Carnaval 1964. Y como cu nos ta sigur, cu e senjor Croes aki a abusa di su posicion di poder contra di nos diario, como cu probablemente unicamente e kier ricibi elogio y no por soporta critica. Senjor Milo Croes durante di e fiesta final di Carnaval a declara diamars anochi den Aruba Caribbean Hotel, cu e premio di Comite Central di Carnaval pa e mihor reportaje di Carnaval a bai pa "Amigoe di Curacao", cual na Aruba ta ser presenta como "Amigoe di Aruba", sperando cu nos lo cualifica esaki bao di nos categoria pa reaccion contra tal groseria. Awor nos a dicidi di defende nos mes contra di tal desconocimiento na publico door di senjor Milo Croes como presidente di CCC.

Awor cue di diez Carnaval grandi di Aruba a termina, ta bon pa un balanza y esaki ta nifica cu no unicamente loke ta pro tin di worde conta, pero tambe contra, no unicamente e entradanan, pero tambe e gastonan. Sino con lo por sabi kiko ta e ganashi of eperdida? Na promer lugar nos kier mustra claramente, cu e diez Carnaval aki a surpasa tur e otronan. En general e por worde considera como e mihor Carnaval cu ayega di tuma lugar na Aruba. Mas club cu nunca antes a fiesta Carnaval, algo cu ta di gradicina e introduccion di Carnaval juvenil. E hember cu a pensa esaki, esta pa establece un fiestamento apart di Carnaval pa e Teenernan, endudablemente merece gran elogio. Pasobra door di esaki mas casnan a sinti e esfera di Carnaval. Pero lastimamente nos no tin un mididi pa mididi e alegria cu e hubentud a hanja door di Carnaval aki. Pero si nos sabi, cu e anja aki Carnaval tabata mas bunita y mas alegre pa miles di Teeners, cu den e anjanan anterior. En conexcion cu esaki ta basta unicamente pa corda e fiestanan di Carnaval den Centro Juvenil na Tanki Leendert. Un otro punto positivo ta cu e anja aki, San Nicolas a worde involvi mucho mas door di CCC den e fiestamento di Carnaval. E anja aki Prins Carnaval a worde eligi den N.W.I.W.-A. club, mientras cu despues a sigui un grandioso concurso di steelband den Lago Sport Park. E entusiasmo cu cual San Nicolas cada blaha ta participa na Carnaval door di esaki por fin a hanja reconocimiento. Ainda tin mas puntonan positivo cu por worde menciona; por ehemplo e echo, cu e anja aki diferente faceta nobo a worde agrega na Carnaval, algo cu tabata masha neces-

sario despues cu fiestamento di Carnaval anja largo tabata tuma lugar segun e mes un patron. Nos a menciona ya caba introduccion di Carnaval juvenil. Nobo tabata tambe e concurso di steelband, cu a resulta den e grandioso exito, tambe e bunta premionan pa e mihor steelband di anja. Un mehoracion importante tabata tambe cu e parada di Carnaval di Oranjestad a worde gila directamente for di stadion pa e centro di cuidad via di Fergusonstraat, na lugar di via L.G. Smith Boulevard y A.A. Lacle Boulevard y alavez no a pasa e routa banda di hospital. Completamente nobo tabata e eleccion di Miss Aruba cu a resulta den un asina grandioso exito. Pa tur esaki elogio na Comite Central di Carnaval.

PUNTONAN CONTRA

Pero tur esaki no ta nifica cu no tin nada mas cu por worde mehora. Sigur cu si! Por ehemplo nos ta kere cu dos factor a causa cu e anja aki e candidatanan pa Miss tabata menos cu a worde spera. Na promer lugar tabata e echo, cu e anunciamiento di e eleccion nobo aki a tuma lugar mucho laat, algo cu CCC no por a yuda. Pero a bin aserca cu e premio di CCC pa Miss Aruba tabata mucho poco. Pues Reina di Carnaval di Aruba 1964 por a conta di ricibi un auto. Mientras cu e premio di CCC pa Miss Aruba tabata -fl. 500.--, un suma grandi, pero mucho menos cu un auto. Esaki naturalmente no a stimula e participacion pa e eleccion di Miss Aruba. Y segun nos a compronde esaki no tabata necesario tampoco. Di nuebe mil florin cu CCC a colecta cerca Comercio y e seis mil cu nan a ricibi na placa di e entrada pa e dos eleccionan den stadion cu tambe abin aserca, CCC a resta, esta si nos tabon informa un suma di mas o menos cuater mil florin. Loke ta trata di e eleccionan den stadion, te ainda nos ta kere, cu e programanan cu ta worde presenta na publico por worde mehora. Pakiko un evenemento importante asina no por worde anima tambe pa un orkestra grandi di extranheria, of un cantante of ballarina Venezolano? Y pakiko e concurso di calypso y steelband na San Nicolas por worde "dorna" cu e actuacion di un cantante famoso di calypso for di Trinidad. Tambe ta necesario cu den e anjanan venidero medidanan lo worde tuma pa cuminsa e paradanan na tempo. Na promer lugar tin e publico cu en general ta para mas cu un ora y mei promer cu parada cuminsay un ora y mei mas promer cu e parada door di e callanan principal di tal forma cu durante tres oranan ta para ariba e troitloirnan war-



Milo Croes
President C.C.C.A.

dando ansiosamente e momento cu e parada lo pasa. E tatanan -miembro di Carnaval Comite sabi kiko esaki ta nifica pa mama cu juanan cerca nan, muchanan cu tin gusto di worde hisa na man....! Un grupo importante ta hanja nan mes trastorna door di e salimento asina laat di e parada ta e Fotografian Amateur cu ta para na fin di e ruta. Na e momento cu e parada pasa banda di nan, ya solo ta asina abao cu ta dificil pa nan saka bon portretan. Door di sali na tempo esaki facilmente por worde elimina. No ta posibel pa cuminsa reuni diez un'or y sali banda di dos'or? Na lugar di cuminsa reuni diez un'or y sali banda di cuat'or?

Ta conoci na nos cu den e "Curazon" di CCC ta existi plannan pa den e anjanan venidero stimula e fiestamento di Carnaval den e distritonan afor mas ainda, door di organisa evenementonan special ayanan. Esaki lo ta algo fantastico cu nos ta apoya cien por ciento!

Ariba e anochi final, diamars ultimo, cual a wordeteni den Aruba Caribbean Hotel, nos tin masha hopi critica. Ta lamentable cu presidente Milo Croes na e entregamento di premionan e tabata bisa claramente (asina cu e presentenan por a compronde) cada

blaha e number di e cas comercial cu tabata asina carinjosu di duna e regalo y coopera di tal forma. Algun blaha nos a compronde un number, pero mayoria parti no! Segun nos opinion, di tal manera comercio, cu cada anja ta yuda un gran parti den carnaval, no ta hanja loke e merece.

Mas pior ainda tabata e echo, cu dos Reina di Carnaval di CCC a worde "salta" completamente door di CCC. Mientras cu tur Reinanan di Carnaval por a ricibi un regalo for di man di senjor Milo Croes, dos a worde lubida por completo: Miss Kay Luchoo, kende for di diez un candidata a worde eligi den Club Bonaireano como Reina di Carnaval di San Nicolas y e Reina di Antillana Fan Club, kende tambe a participa na e eleccion di Reina juvenil di Carnaval di Aruba. Un persona kende no tin nada di haci cu CCC, e ora a presenta e dos damanan aki na publico, pa nan no tabatin ningun regalo mas y un despensa for di banda di CCC nos no a atendetempo.

E mes un anochi aki senjor Milo Croes a tribi di duna e premio di CCC pa e mihor reportaje di e carnaval di Aruba den un courant na e diario Curazoleno "Amigoe di Aruba"!!!!

Nos ta hanja esaki un descono-



SABOR CU NUNCA TA
VARIA
IT NEVER VARIES.

FATUM Tel. 1845
pa tur bo aseguronan

cimiento publico, contra di cual nos ta reacciona aknan. Ariba henter Aruba tin unicamente merece e condecoracion aki y esey ta unicamente "Arubaanse Courant". Ta unicamente Arubaanse Courant cu durante diez anja largo a duna e mihor reportajenan di fiestamento di Carnaval na Aruba. Arubaanse Courant ta esun cu cada anja atrobe door di su interes intensamente pa e fiesta aki tin un influencia stimulante asina importante. Segun un vocero di "Amigoe di Aruba" mes a bisa nos ultimamente: Nos no ta bai na tur e fiestanan di Carnaval den cunucu, pasobra nan no ta pone nan anuncionan serca nos toch, "Aruba" (sigui lesa pag. 5)

Tony Martin su ultimo cancion "Hey little girl" dedica na Aruba

E ultimo song di Tony Martin, e cantante mericano cu ayera nochi pa di promer biaha a actua den Klompen Klub di Aruba Caribbean Hotel-Casino ta titula "Hey little girl".

E cancion aki cu te ainda no a worde canta anteriormente, ayera nochi pa di promer biaha a worde interpreta y e bunita di esaki cu el a dicidi di dedica e cantica aki na Aruba, e isla cual e ta bishita pa di dos biaha y caminda cu gusto e ta ac-tua.

Tur esaki **Toni Martin** a declara diamars atardi durante un conferencia cu Prins den Aruba Caribbean Hotel-Casino, na unda tabata presente Jake Kozloff, explotante di casino.

"Aki hende ta bin pa goza, y no manera na Estados Unidos como un hurado publico y artista ta bin Aruba pa goza den Klompen Klub apesaki di cu aki nos tin di traha mas duro. Segun Tony Martin, Senyor Kozloff kende en general ta contrata e artistanan mas despues a trata e tema aki mas extenso". E recepcion caloroso cu e artistanan ta hanja aki, sea den Club of na calla, ta haci cu nan ta bolbe bin Aruba. Artistanan famosa manera Cugie, Abbe y Tony ta puntrami; ki dia mi por bolbe? Y e ora nos no ta papia cuenta di placa. Tony a bisami despues di su actuacion anja pasa: mi ta bolbe bin den e hotel aki, si bo pagami of no". Senyor Kozloff a declara cu esaki tur ta berdad, maske cu ta parse cu nota asina. "Na Merca mi ta hanja yamada di artistanan di fama cu e pregunta: ki dia mi por bin Aruba den bo hotel. Asina tabata cu Libberace, mescos cu Van Johnson y cu Jack Benny". E pueblo di Aruba ta trata e artistanan asina bon y carinoso natural, cu e isla aki ta El Dorado panan". "Alavez ta bin aserca cu un mericano di naturaleza tin sentimiento caloroso pa Hulanda. Den ultimo dianan esaki por a worde constata bon atrobe ora cu boso Prinses tabata noticia ariba promer pagina di e diarioman mericano. E "cabeznan" di e courrantnan cu tabata dedica na dje tabata mas grandi cu esunan di Margarethe y Tony". Tambe senyor Kozloff en relacion cu esaki tabatin palabra di elogio pa e trabao di oficina di Public Relation di Aruba na New York: Hank Meljer Associates.

SIMPLE AND ROMANTIC

Tony Martin kende tabata na e conferencia di prensa den zwembroek, sombre di cabana y mantel

di banjo a bin Aruba cu diez persona. "Y nos tabatin unicamente dos kamber pa nan "asina senyor Kozloff agrega cu un sonrisa. Nos tin di drumi shift, no tin otro remed".

Segun Tony Martin a bisa na hari-mento. E tin su mes pianista, drummer y dirigente di orkesta y tambe cuater cantante femenino cu ta per-cura pa e acompajamento, e motibo cu mi ta trece mi mes pianista drummer y dirigente di orkesta ta pa motibo cu esaki ta skapami tanto repeticon promer cu actuacion. E hendenan aki sabl exactamente loke mi ta desea di nan, e

drummer conoce mi ritmo, e pianista mi thempo y e lider di orkesta mi deseonan special. Cuesaki Tony Martin no kier a haci ningun mnesprecio na e lider di orkesta di hotel George Fasola. He is one of the finest musicians in the world". Den Klompen Klub Tony lo canta canticanan ingles, frances, italiano pero especialmente o canticanan orienta ariba Caribe. E lo no interpreta twist". The twist is already a lost thing in the U.S. "Segun e cantante.

"Good music is back. Basically my music is simple and romantic". E cancion nobo "hey little girl, ta un pieza lirico cu un aviso na e muhernan recien casa y cu ta conta nan con nan tin di tene nan casa. Ariba es senyor Kozloff a propone "Sorry Tony, but would not you dedicate this song to Aruba?" O Tony a contesta: "Sure but they might misinterpret it!"

CARNEGIE HALL

Diabierne Tony su famosa esposa Cyd Charissen ta bin Aruba, despues di Aruba e duo ta bai hotel Fontainebleau na Miami Beach caminda nan lo actua hunto: E ta canta y su esposa ta balla ballet. E cantante sympatico kende segun el ta conta ta toca saxofon, klarinet, fluit, piccolo y "crabs"; y kende na promer lugar tin mas preferencia na instrumento cu cantica, anja pasa a hanja e oportunidad grandioso pa actua den carne-

gie Hall na New York. "Antes mi mama semper a bisa: nunca bo lo yega na actua den Carnegie Hall. Awor mi a lage bin especialmente pa esey. Y wel ey den e promer fila tabata sinti mi mama bleuw, continuamente sagudiendo su cabez". Pa mama y yui tabata un anochi inolvidable.

Tony Martin ta keda den Klompen Club te cu dia 24 di februari venidero.

Noticia di polis

Oranjestad, 14 Febr. - En necion cu un robo cual a tuma lugar na luna di november na San Nicolas, caminda un caballero a worde ataca y despues di a hanja golpi na su cabez a worde horta pa e suma di 185 florin, recherche a detene dos caballero sospecha di a comete e robo menciona.

E caballeronan ta V.M. y M.E. kendenan a worde carcela mientras investigacion ta continua.

Un otro caballero cu a worde deteni door di recherche pa motibo di robo cu a worde cometi ta R.F. Ultimo persona menciona dialuna anochi a horta un cartera for di un amigo cu kende e tabata pasando door di algun bar den Oranjestad bebiendo. Den un hanchi scur el a kita e cartera for di su amigo cu tabata burachi. El a worde carcela mientras recherche ta tratando e caso.

Na skina di Schutterstraat y Zoutmanstraat a tuma lugar diarazon ultimo un choke entre e autonan A-674, y A-739 maneha respectivamente pa R.W. y J.F. E danjo material na e autonan ta total cuater ciento y cincuenta florin.

Diamars merdia Tony Martin (na drechi) a tene un conferencia cu prensa den Aruba Caribbean Hotel-Casino. A asisti na e conferencia senyor Jake Kozloff (robez) e homber cu ta contrata e estrellanan pa Klompen Klub. - Diarazon anochi Tony a ricibi su promer aplausa di Aruba den Klompen Klub.



ENJOY TELEVISION AT ITS BEST



WITH A
SIERA
SET



CASA ELECTRONICA

TAS




pa beach y pa haci compras nos a caba di ricibi un lote grandi di diferente tamaño, na prijsnan razonable.

ACME STORE

TEL: 5381 - 5384
San Nicolas.

Servicio rapido y prijs razonable!

Pa furamento di sientu di bo auto, tambe dak y portanan.



RUIZ UPHOLSTERY
koningstr, 4 - tel. 2257

Muebla bo cas agradable



cu muebles di
MESKER

TA BUSCA PA HUUR

UN CAS (no-meublá) cu tres dormitorios den vecindario di Oranjestad-Noord of Sta. Cruz Prijs di huur max. f. 150,--

Pa inf: Jama tel.
1116/2116

E ultimo creacion den

LINGERIE



* sombra mitar y completo
* panties
* brassiere
* corset
* Baby-dolls
Pyama, japon etc.

bo ta hanja di mehor calidad, den tur prijs y tur tamanjo na

LA LINDA

T A B E N D E

Junior bed den condicion excelente.
(Pa mucha di 2-10 anja)

Pa inf: Acudi na Rea-
murstraat 14,
Oranjestad.

BINTI OBRERO ANTILLANO A JEGA HULANDA

SCHIPHOL, 14 Febr. - Un grupo di binti obrero hoben di Antillas, a yega Schiphol ayera cu avion. Huntu cu e grupo aki lo bini cuater obrero mas, kendenan a haci nan viaje pa Ulanda cu bapor y lo yega dies dia despues. Nan ta varia den edad entre 19 y 27 anja, tur ta casa y lo traha serca Bronswerk N.V. na Amersfoort riba un contract di dos anja.

Si esaki no logra, anto nada ta logra, asina senyor van Berkel hefe di personal di e compania, kende e mes tabata na Antillas pa e cooperacion cu gobierno Antillano scohe e obreronan, a bisa na su yegada na Schiphol. E solicitantenan mester a pasa hopi cos promer cu nan por califica pa worde manda Ulanda. Na promer lugar polis Antillano a controla nan curso di bida, despues Voogdijraad a investiga nan circunstancianan den famia. Ademas nan mester a pasa un examen parctico y ademas a worde investiga con nan tabata comporta na e school cu nan a bishita aki. Despues di tur esaki un dokter di e compania cu a bini for di Ulanda a examina nan bon pa despues nan pasa un test psicologic y finalmente senyor van Berkel mes a hiba un combersacion largu cu e solicitantenan pa muestra nan riba tur objecionnan cu por tin den un mudacion pa Ulanda.

En total 500 solicitante a worde examina profundamente, di cual 100 a worde acepta en principio. Pero e ochenta sobranan lo nobal Ulanda prome, cu e binti nan cu a bai awor aki, resulta exitoso. Senyor H. Dennert di e gabinete

di minister plenipotenciario di Antillas na Ulanda a bisa e hoben Antillanonan, cu nan mester trata na percura pa e prueba resulta exitoso, ya cu ta di nan ta depende cu e sobra ochentanan tambe lo bai.

Na Amersfoort e penson y famianan unda e Antillanonan lo bai keda a worde scohe cu gran minuciosidad. Nan lo hanja e sueldo normal di Ulanda pa nan trabao plus 25 florin ulandes extra pa "kostgeld". Diestres di e hoben nan cu a yega ta di Corsow, e shete sobranan ta di Aruba. E cuaternan cu lo yega Ulanda aki dies dia cu bapor, tambe ta di Corsow.

WEGA DI AYERA SUSPENDI

En coneccion cu e ultimo acontecimientonan aki, directiva di A.V.B. a dicidi tambe di suspende e wega cu pa ayera noch tabatin riba programa entre Juventud Millonarios y Aruba Jrs.

Pa dianan 21,22 y 24 di maart 1964 directiva di A.V.B. tin planea un torneo eliminatorio entre cuatro seleccion di Aruba. E seleccionnan aki lo worde forma a base di distritonan. Uno lo ta di Playa, otro di Sta. Cruz, otro di Noord y uno di San Ni-

Mas o menos un anja u mel pasa tambe algun obrero Antillano a bai Hulanda, aunque cu esey no tabata riba un base asina organisa manera esaki. Tabata mas o menos 14, cu a worde emplea na companianan na Rotterdam y tan leu cu ta conoci tur a worde adopta satisfactorialmente den e comunidad di Rotterdam. Manera ta conoci obreronan di Surnam cu a bai Ulanda pa traha si a causa algun dificultad.

colas. Pa forma cada un di e seleccionnan a keda encarga e miembronan di directiva, kendenan por pidi ayudo cerca cuanto otro persona cu nan ta desea. Pa esun di Playa ta encarga John Merrywaether, U. Amaya y Damian Tromp, pa esun di Noord Luis Giel, pa esun di Sta. Cruz Chail Lacle, Tommy Croes y FICHI Croes y pa esun di San Nicolas Mateo Reyes. E torneo aki lo ta na ocasion di e di 10 anja di existencia di Radio Kelboom, cual emisora e obsekia tambe dos trofeo, uno pa e campeon y otro pa e subcampeon. Tambe e directiva a discuti diferente plannan pa mehora nan situacion financiero. Asina ta worde studia e posibilidadnan di organisa fiesta, rifa y un programa atractivo pa habrimento di e campeonato nobo. Diasabra awor directiva di N.A. V.U. lo tene un reunion na Aruba.

Diamars anochi a tuma lugar na Aruba Caribbean Hotel-Casino entregamento di premionan na e participantenan di Carnaval y Parada di --

Carnaval e arja-- aki, cu di un of otro manera a destaca nan mes. Arida e portretnan nos ta mira e presidente di e Comite di Carnaval 1964, senyor Milo Croes, entregando e diferente premionan 1. Reina di Carnaval di Aruba 1964, srta. Lydia Henriquez rici-biendo su premionan.

2. Miss Esso, srta. Regina Croes, kende a gana e titulo di Miss Aruba, tambe a rici-bi diferente premio. 3. E mihor grupo di arja, "The Chinese Flower Sellers" e anochi a rici-bi nan premio door di e representantenan, sra. Sidonia Muller.

4. Como presidente di Club Caribe sr. Tico Kuiperi a rici-bi entre otro un regalo pa e mihor carozza di e anja aki cual tabata "Caribe ca-cique".

NOTICIA

La Esperanza kier anuncia na tur shareholdernan cu „La Esperanza,, lo tene su reunion di accionistas diadomingo awor 16 di Februari pa 10 or di mainta den e edificio di Sociedad Bolivariana na Playa.

La Esperanza ta spera tur su accionistanan bin tende y bin weyta e resultado di nan tienda pa anja 1963.

E Directiva.

UN

KOPPI

DI

KOFFIE

CU UN

PERCOLATOR

ELECTRICO

ESEY TA

CLA MES ORA.



ANUNCIA DEN ARUBAANSE COURANT



1



3



2



4



Diamars mainta sr. Frans Lodewijk Maduro, e hoben presidente di Independent Oil Workers Union of Aruba, a cera enlase matrimonial cu srta. Silfides de Cuba di Savaneta. Aki senyor U. van Breet di Burgelijke Stand ta efectua e acto di casamento.



Diabierna merdia e secretario di Arubaanse Kunstkring sr. J. F. Lanz a firma den su kantoornan na H.B.U. e contract cu e impresario Nino Lugara, pa dos presentacion di e ballet klasico di Miskovitch den

e promer siman di Juli venidero. E actualizacion lo tuma lugar den Centro Cultural y den Wilhelmina Stadion. Na nomber di Kunstkring tabata presente na e firmamento, e dama-

nan M. Looman y M. Nouel. D.r.p.d. senjora Looman, senjorinan Lanz y Lugara y senjora Nouel.

GRUPO DI 26 A PASA

EXAMEN DI JUDO

(Di Nos Redactor Deportivo)
Oranjestad, 14 Febr. - Fin di siman pasa un grupo di en total 26 persona a pasa cu exito nan examen di judo. Esakinan ta personanan cu ta forma parti di San Nicolas Amateur Judo Club, cu asina a mira su promer alumnonan corona cu exito nan esfuerzonan pa progreso den e complicado deporte di judo. Pa tuma e examen di e 21 muchanan y cinco adultos a hin for di Corsow, Eddy Snijders, segundo nan, kende hunto cu e conoci Ramon Sharpe, miembro y tesorero di e club di Universidad di Kansas City y instructor di e San Nicolas Amateur Judo Club, a forma e comision di examinadornan.

E adultonan cu a pasa e examen pa faha geel ta Hyacinto Geerman, Charles Hunt, Rudolf Bislip y Ale Hlemstra, mientras cu C. Gietel a pasa su examen pa faha oranje. E instructor di

e Club Carlos Bislip, y su asistentenan Sylvanio Osefia y Hilario Bislip a ricibi compliment y contralulaciones di e examinadornan pa e forma sublime den cual disciplonan a pasa nan examen. E disciplonan tabata conoce e reglamentonan bon y e tecnicanan demostra tabata limpi y impresionante. E examen a dura seis ora largo.

E 21 muchanan cu a pasa e examen pa obtene faha geel ta e sigulentenan: Sifly y Paul Nijland, Eddy Mario y Gien Briezen, Benny Rohles, Bernard Meurs, Norman Kuuperi, Radjindri Karghi, Robert y Marian Visser, Allard de Vries, Raoul du Puy, Hans van der Horn, Gerard Bruins, Qgues Berenos, Gerda Heims, Richard van Blarcum, Marcel Cheung, R. de Cuha y Sjiirbi Ranis.



Diarazon atardi a tuma lugar e entierro di e general manager di Wimco na Aruba, sr. O. Porry, kende diadomingo ultimo a fallece di ripiente. E defunto a worde acompaña ariba su ultimo blaha na mundo pa su lugar di sosiego door di e.o. (d.r.p.d), director di Wimco na Corsow, sr. Alberto, gezaghebber interino I.S. de Cuba, su yiu homber Eddy, su suegro A. Beaujon, sra. di su ruman homber George, su senjora biuda Julia Porry-De Veer y ruman homber di defunto Porry y senjora di gezaghebber interino. E interes pa e entierro tabata sumamente grandi.

Solamente TRANS CARIB POR HIBABO NEW YORK PA UNICAMENTE \$78.25

(Basá riba prijs di un roundtrip di 156 dollar. 50 cent).

Prijs di un excursion „round trip cu Jet di San Juan Pa New York ta: increibell.... \$ 121,50. Y ta Trans Carib so por hibabo New York pa asina poco placa. Ademas Trans Carib ta extra rapido, e tin menos ruido. Su servicio excelente „5th Engine Fan Jet,, ta indispensabel pa un bon blaha.

Bula bal San Juan cu Trans Carib; tin cinco vuelo pa siman for di Ruba. Dje cambia pa un 5th Engine Fan Jet grandi: San Juan tin 4 vuelo pa dia. Denter di 190 minuut lo bo ta na New York. Bisa bo agente di blaha cu bo ke bula Trans Carib!

Of jama 2700 pa hasi reservacion.

TRANS CARIBBEAN LINEA

„FAN JET COE 5TH ENGINE,,

TRANS CARIBBEAN
THE 5TH ENGINE FAN JETLINE

Dr. Heyde a comete suicidio den prison

FRANKFORT, 13 Feb. - Dr. Werner Heyde, hefe acusado principal den e proceso di Euthanasie cu siman pasa meste a cuminsa na Alemania Occidental awe a comete suicidio. Ayera un otro acusado dje proceso aki Tillman a bula foi bentana di un edificio na Colonia. El a muri al instante. Dr. Heyde a cologa su mes den su cel di prison na Frankfort caminda'e tabata cumpli cu un aresta. E tabatin 61 anja.

Heyde tabata hefe di un organizacion qu tabata para conosi bou di e nomber TTT4, unabbreviacion dje adres caminda e cuartel general tabata situa. E tabata manda instalacionnan caminda nan ta cuida hende malu cu preguntanan tocante estado di salu y chensnan di sanamentu di pacientnan. A base di esaki Heyde ta stipula quende lo wordu somete na un morto fol compasion.

Nan ta hibanan pa institucionnan di TT4 caminda nan ta ser mata cu gaz venenoso. Famillanan ta ricibi un acta di falledimentu, cu den cua nan ta menciona un causa di cual e tal persona a muri, pero cu no ta berdad.

MILO CROES TA ABUSA ...

continuacion di pag. 1.

baanse Courant a bai na tur e fiestas di coronacion (cu exepcion di uno) sea cu e club eya pone anuncio of e no a pone anuncio. E unico exepcion tabata R.C.A., como cu e club aki a corona su Reina na e mes un anochi cu e eleccion di Miss Aruba den stadion. Locual ta duel nos.

Pero como cu cifra ta duna mihor prueba cu palabranan, nos kier haci un comparacion akibao den cifra di loke "Amigoe" a haci na reportahe di Carnaval 1964, locual Milo Croes a jama e diario cu a duna e mihor reportahe y pa cual el a ricibi un condecoracion y loke "Arubaanse Courant" a haci na reportahe di Carnaval 1964:

aki sumamente grandi den su courant y a tuma e honor cual ta nos merece su mes, causando verguenza grandi pa e soeranan di San Nicolas.

Pero sin embargo, apesar di e desconosimento aki di e presidente CCC, nos lo keda apoya Carnaval Arubano, mescos cu nos a haci esaki diez anja largo caba. Tambe otro anja nos lo ta presente na tur e clubnan cu corona nan reina, sea cu e ta Golden Rock Club, Jolly Teenagers of Club Caribe. Nos lo keda duna critica ariba locual segun nos ta worde haci malo door di CCC, pero alavez tambe mustrandando claramente y elogiando loke CCC ta haci bon. Nos pen cu no ta mara na ningun hende, lo keda scirbi locual segun nos opinion tin di worde bisa na bienestar di Aruba.

Arubaanse Courant Amigoe

E cantidad di edicionan di diario cu noticia di Carnaval desde promer di januari ultimo	33	23
---	----	----

E cantidad di noticianan di eventonnan di Carnaval den Courant desde promer di januari ultimo	73	32
---	----	----

E total di cm/kolom desde un di januari ultimo dedica na noticia di Carnaval	1438	749
(Di cual 451 ariba promer pagina)		

E total di reportahenan fotografico di Carnaval 1964	33	12
--	----	----

E cantidad di portretan di Carnaval 1964 publica redaccionalmente	107	14
(Cu 12 Pasfoto)		

E superficie total di portretan publica	15.335	1.431
(cm cuadra)		(cm cuadra)

E cantidad di eventonnan na cual a asisti en coneccion cu coronacion di Reina di Carnaval den Clubnan y di cual a publica reportahe fotografico (cu exepcion di eventonnan den stadion)	16	3
---	----	---

Esakinan ta cifranan cu tapapia pa nan mes. Cifranan cu ta muestra cu CCC intencionalmente a favorece un amigoe cu no ta merece esaki. Pasobra fuera di e cifranan aki riba nos por agrega a serca, cu e eleccion di Miss Aruba ta completamente un idea di Arubaanse Courant, cu nos Apuntes Editorial anteriormente a sugeri pa involvi San Nicolas mas ainda den fiestamento di carnaval, cual a yuda cu CCC a dicidi pa e anja aki tene mas programan di Carnaval, na San Nicolas y cu hasta e fiornan cu biuda di senjor Eric Arends a ricibi den stadion tabata un idea cu a worde formula door di Arubaanse Courant.

Pero sin embargo senjor Milo Croes a hanja cu "Amigoe" a duna reportahe di e Carnaval Arubano como esun di mihor.

Den e dianan cu a pasa diferente persona, amigonan y sympatizadonan di Arubaanse Courant a papala cu nos y a muestra nos na sympatia, kendenan por completo no ta di acuerdo cu loke a sosode. Lastimamente cu ningun di e hendenan aki a pone nan sentimiento riba papel, pasobra sino nos lo por a publica e prueba di e cos stranjo aki, especialmente esun di e hopi clubnan cu nunca ainda a mira "Amigoe" den nan club.

Pues senjor Milo Jesus Croes mes ta esun cu a declara, cu na e pregunta cual courant merece e premio el papia cu CCC, pero cu alfin ta e mes a dicidi cu "Amigoe" merece e pasashi ida y vuelta pa Puerto Rico. "Den ultimo instancia, ami ta esun cu ta dicidi den comite" a duna su coleganan despesa, asina cu e critica aki no ta pa nan. Senjor Milo Croes a salta Arubaanse Courant como cu nos diario a duna "critica destructivo ariba CCC". Nos no kier laga di menciona ta kiko senjor Milo J. Croes ta yama "critica destructivo". El a tuma nos na malo cu nos a scirbi cu CCC a tuma e bon plan di RCA over pa organisa un concurso di Steelband (RCA pues tabata promer cu e plan aki). "Esaki nos a pensa nos mes y no di RCA", el a contesta nos. El a tuma nos na malo cu nos a scirbi "unicamente cuater candidata pa Miss". Natural-

mente cuater no tabata hopi, pero esey ta algo cu Courant no mag scirbi. E "unicamente mester a worde laga afor.

El a tuma nos na malo tambe cu nos a scirbi cu ponemento di krans en coneccion cu carnaval ta algo masha stranjo y cu nos ta pas pa Carnaval. E ora nos a propone pa loke ta trata di esaki ta mas positivo y por ehemplo condecora senjor Arendpoorthum cu e establecimiento di un orden di carnaval of sea entrega senjor Arends un boeket di flor den stadion.

En corto: Senjor Milo J. Croes a tuma nos remarcando critico, cual a worde haci na bienestar di carnaval na Aruba, como a takenan ariba su persona. No sabiendo e diferecia entre critica destructivo y critica constructivo el a dicidi di tuma venganza. Pesei tambe cu el a bisa: "Mi a dicidi di duna "Amigoe" e premio." Esaki ta e danki di Milo pa tur e cooperacion cu nos a duna. Pa tur e 33 eventonnan di carnaval cu nos fotografonan a bishita y saka portret den tur skina di Aruba. Esaki ta Milo su danki pa e ideanan cu el a tuma di nos y cu el a tabatin asina hopi exito. Esaki ta Milo su danki pa cuater pagina completo, cuater prome pagina, dedica na door di Arubaanse Courant na Carnaval.

E premio a bai pa e diario cu nunca nunca, ta duna critica!!!! Essey ta loke Milo ta gusta!!!!

"Amigoe di Curacao", cual ta worde publica na Aruba como "Amigoe di Aruba" a haci gran probecho di esaki. Cu boca grandi e correspondente di e diario aki a anuncia cu su diario a worde condecora pa e mihor reportahenan di carnaval. Esaki el a haci sabiendo cu e no merece. Mescos cu algun tempo pasa ora cu el a ricibi un carta for di un di e soeurnan translada pa Nyassaland, cual carta tabata pa e diario cu a percursa pa un yudanza grandu den forma di placa y comestibles, cu e soeur por a hiba na e misie post nobo caminda el a worde staciona (y unicamente Arubaanse Courant a tene e accion aki pa soeur Cicilia di San Nicolaas) pero door di un error a manda pa Amigoe, y cu a publica e carta

Reunion di O.L.L. teni den stadion

(Di Nos Redactor Deportivo)

Oranjestad, 14 Febr. - Den Wilhelmina stadion Oranjestad Little League a tene un reunion cu managers, coaches, y miembronan di distrito tocante competitie 1964. Presente na e reunion aki tabatin representantenan di e teamnan American Legion, Aruba Lions, Aruba Rotary, Libby's, Nutricia, Oso-Grape, Supercleaning, E.S. Keds, Viana, y Wrigley's P.K. 2. Dos team tabata ausente cual ta Aruba Caribbean Hotel Casino, y Pepsi-Cola.

E reunion aki tabata un reunion cu hopi exito, ya cu e puntonan menciona na e miembronan tabata di hopi interes y nan a keda masha entusiasma tocante nan.

E punto nan favorable tabata: Un aandeel di Lands Loterij cuminzando Januari 1964. For di ASU un subsidio cual lo ta un gran ayudo pa e deporte. Un donacion especial di Sponsoran: Viana Auto Supply, Winkel Handel Maatschappij Aruba Lions. Un invitacion personal for di Asst. District Commissioner di Puerto Rico pa Oranjestad Little League participa den e Series del Caribe na Puerto Rico.

E apertura di e campeonato lo ta di 16 di Februari 1964 pa 10:00 a.m. den Wilhelmina Stadion cu un defile manera tur anja y un wega amistoso entre e campeon y sub-campeon di 1963, resp. "OSO-GRAPE" v/s "AMERICAN LEGION". Un total di 12 team lo participa den e campeonato 6 di North League y 6 di South League. North League lo consisti di: Aruba Caribbean Hotel Casino, Pepsi-Cola, Oso-Grape, Nutricia, U.S. Keds y Wrigley's P.K. 2. Den South league lo competi, American Legion, Libby's, Aruba Lions, Aruba Rotary, Viana, y Super Cleaning.

E weganan lo tuma lugar na diferente distritonan, teamnan di North League lo hunga ariba Sport Centrum Noord, Wilhelmina Stadion, tereno di Winston na Santa Cruz. South league lo usa tereno di La Fama na Savaneta, Lago Sport Park y Lone Palm Stadium na Sro Colorado. E competitie lo dura tres round. For di e league di e team cu a sali campeon di Aruba, un seleccion lo worde forma pa bai presenta Aruba na Puerto Rico den e Series Del Caribe, unda lo participa tambe teamnan di Venezuela Virgin Islands, Santo Domingo y Puerto Rico. E campeon di e Series aki lo bai Williamsport, Pensylvania pa competi den e campeonato mundial di Little League.



Ultimamente senjor Pedro Gonzalez (na robes) a cumpli 25 anja cu e ta den servicio di abattoir. Durante un seremonia chikito na unda tabata presente na nomber di Gobierno di Aruba, diputado A. Falconi, senjor Gonzalvuez a ricibi un regalo for di man di hefe di e servicio bao di cyal ta pertenece abattoir, sr. E.J. v/d Kuip un regalo na nomber di servicio.

Premiere di Tony Martin a cosecha hopi exito

Oranjestad, 14 Febr. - Diarazon anochi a tuma lugar den Klompen Klub di Aruba Caribbean Hotel-Casino e promer actuacion di e temporada aki di e conocido cantante mericano, kende pa di dos anja consecutivo ta bishitando Aruba, esta Tony Martin, kende a hanja e nomber di "Mr. Showbusiness". E show a resulta den un bunita programa di cual e publico grandi den Klompen Klub y den Papiamento Room por a goza di "Good Old Songs", canticanan cu den e anjanan anterior a conkista mundo y cu te ainda ta worde canta yen di entusiasmo pa e cantantenan grandi di fama internacional manera Tony Martin.

E anochi aki a bin un cambio ariba e stage: pa e artista aki e orkesta cual ta companje a tuma lugar ariba e podium. E orkesta tabata consisti di entre otro, dos trombone, tres sax, un bas, drummer, pianista y cuater cantante tras di un microfoon cu effect di echo. E ultimo cuaternan menciona tabata percursa pa e bunita sonida acompanjante durante di e cantamento di Tony Martin. Un cuarteto excelente cu pa un gran parti a percursa pa e exito enorme di e anochi aki, mientras cu Tony ta canta cu gran entusiasmo y cu un stem caluroso. Apesar di e echo cu na cuminsamento di e show el a haci un suplica pa durante por lo menos un cuarto di ora no duna aplausa, e publico a aplaudir su actuacion continuamente. E publico cual tabata consisti

especialmente di mericanonan parse no por a laga di aplaudi un rato. Asina cu Tony menciona un cancion bieuw y ora cu e cantante termina di canta, un enorme aplausa tabata resona den Klompen Klub y papalamento Room. Manera cu el a priminti anteriormente caba tabatin un gran parti di cancionan Latino Americano ariba su repertorio. El a habri su programa cu un bolero-mambo y durante e anochi diferente numeronan asina a worde presenta, entre cual su calypso priva "I came to Aruba". Otro numeronan mas cu el a canta tabata "Dancing cheek to cheek", "Ariverderchi Roma", "As long as she needs me", "Autumn Leaves", y "Begin the Beguine", durante cual e tabata cu su sombre di cabana of bastoon.

En corto bisa, e programa tabata formidable y ora cu unabez bo a tende canta bo ta perdona su mal humor y mal actuacion, cual hopi biaha ta riparable ora cu tur cos no ta bai segun su smaak. Su show di apertura tabata bunita y segun nos te awor aki esun di mihor den anja 1964.

ZONA LIBER DI ARMA NUCLEAR

OSLO, 13 Febr. - Segun fuente-nan politico bon informa e vice minister di exterior di Polonia, a combersa ultimo dianan durante bishitanan cu el a haci Estocolmo, Copenhagen y Oslo, cu gobiernonan di e paisnan di Scandinavia tocante e posibilidad pa expande un plan cu Polonia a propone pa vries armanan nuclear na central Europa, te na e paisnan di Scandinavia.

E lider di e Comunistanan Polaco, Gomoelka, a menciona e plan aquina december, bisando cu e ta mire como un prome paso pa acuerdo entre Occidente y Oriente.

SANGER TA SIGUI CORRE**RIBA E ISLA CYPRUS**

NICOSIA, 14 Febr. - Na Limassol tabatin a-trobe bringamentunan serio. Un bosero dje gobierno di Cyprus a declara cu e Chyriotanan Turco a cuminsa cu e tiramento. Trupanan di gobierno a contesta e tiramentu y a ehecuta un atake, caminda nan a conquista tres fortificacion Turco Chyriota. Na Limassol nan a llega di acuerdo tocante un armisticio.

Di fuente bon informa di Gran Britania a ser bisa cu mas o menos 50 persona a wordu mata y 100 ta herida.

Un bosero Britanico militar a bisa cu na dos lugar na Limassol nan a bringa mas tantu. E Cypriotanan Griego na nan accion contra e Chyriotanan Turco a hasi uso di caterpillar blindado.

Circulonnan britanico militar a bisa cu e situacion na Limassol ta critico y e posicion dje Chyriotanan Turco aki ta desesperante. E Turconan a anuncia cu nan por resisti solamente dos ora mas sin ayudo. E comandante Britanico dje forza di armisticio general y Young, a sali cu e minister Chyriota di asuntunan interino cu helicopter pa Limassol.

Di fuente autorisa Griego Chyriota ta worde declara cu un proposicion nobo di Merca e Inglaterra, cu a worde entrega na president Makarios ta inaceptable. E proposicion no ta tene cuenta cu e exigencia di Chipre cu e cuerpo policial pa mantencion di orden ta bou di mandato di e consejo di seguridad. E proposicion ta trata principal-

mente un reagrupacion di e dos comunidanan riba e isla. Esaki ta worde rechaza, como cu e ta worde compara como un reparto di e isla, asina unportavoz Griego-Chyriota a bisa.

Premio di carozza Joyita Tivoli pa Imeldahof

Oranjestad, 14 Febr. - E premio cu e carozza di Tivoli club cu su joyita ariba e gana pa e participacion na e parada di carnaval diadomingo ultimo na Oranjestad lo worde entrega na Imeldahof. E bunita gesto aki di senyor Lorenzo Arends a worde participa diamars anochi durante e entregamento di premionan door di comite central di carnaval.

ORGANISACION CALL GIRLS DESMANTELA


Turin - Italia, Polisnan a pone final na e actividadnan di un organizacion cu tabata ofrece cierto y determinado servicio na cargo di señoritanan estudiante y hoben señoran.

E empresa tabatin un catalog di 63 muhe, di cual 20 di nan ta menor di edad cu portretnan di curpa completo y number di telefon y nan centro di actividad tabata un luhoso departamento den e ciudad aki.

Esaki ta un close-up di e comprometido di Prinses Irene, Don Carlos de Bourbon Parma. Aki nos ta mira e pareha den compania di La Reina y Prins Bernhard durante un paseo den auto.



Un grabado di e pareha feliz.



Aki nos ta mira e pareha den compania di La Reina y Prins Bernhard durante un paseo den auto.

Saludando e multitud e pareha real ta hasi un paseo den jardin di palacio Soestdijk.



HOROSCOPO PERSONAL

ARIES 21 maart - 20 april

Luna nobo ta dunabo oportunidad pa hanja mas amigo y gruponan carinoso. Tambe bo ta drenta un periodo di cambianan den circulo di bo conocirnan. En general lo tin un desaroyo di aspectonan solido y confiable.

TAURUS 21 april - 21 mei

Luna nobo ta mustrabo camindanan pa drecha bo posicion den mundo door di mihor plannan y mihor partimento di bo trabao. Mas eficiencia cambianan grandi por tuma lugar.

GEMINI 22 Mei - el Juni

Luna nobo ta favorable pa bo signo y ta muestra cu lo tin cambianan agradabel den bo bida. Noticianan y informacionan di exterior lo ta noticianan di alegria.

CANCER 22 juni - 23 juli

Luna nobo ta muestra bo cu ta bai cuminsa un periodo favorable y yen di exito den bo situacionan financiero cu otro. Lo ta bon pa na ora di casonan complicha bo tuma advisor cu experencia.

PA: Vicol, Mandolin, cancionero y tarjeta postal di artistanan mejicano acudi na;
„NICOLAAS STORE„
Tel. 5385 - San Nicolas.

LEO 24 juli - 23 augustus

Luna nobo ta cuminsa un periodo di cuater siman nobo pa bo den cual lo bo por hanja basta provecho den bo trabao cu otro. trata di duna otronan preferencia ora cu ta necesario.

VIRGO 24 aug. - 23 september

Luna nobo ta cuminsa un periodo pa bo cu ta di importancia en cuestion di placa y interesan di bo trabao, tambe loke ta trata di salud. Un tempo pa aumenta bo propiedadnan.

LIBRA 24 sept. - 23 okt.

Luna nobo ta para na e cuminsamento di un periodo di cuater siman sumamente favorable pa bo. Esaki especialmente pa e personanan cu bo ta stima.

SCORPIO 24 okt. - 22 nov.

Luna nobo ta muestra cu lo bin cambianan grandi den bo cas y den bo propiedad. Ta bon pa bo traha plannan pa diverticion.

SAGITTARIUS 23 nov. - 21 dec.
Luna nobo ta cuminsa cu un periodo pa bo den cual mas cu un blaha lo bo cambia di opinion tocante di asuntonan y hendenan importante cu bo conoce.

CAPRICORNIUS 22 dec. - 20 jan.

Luna nobo ta exhibi cooperacion cu otronan pa asina bo bai adelantl tambe lo tin desaroyonan den bo propio bienestar y masha pronto.

AQUARIUS 21 jan. - 19 febr.

Luna nobo den e tempu cu ta binl ta pone den un posicion importante. Un bon tempopara trata di hanja un trabao nobo, extension di trabao, mas salario.

PISCES 20 febr. - 20 maart

Luna nobo ta duna oportunidad pa bal padllanti den bida priva y ta primintibo cuater siman di yudanza di amigonan y conocirnan den bo problemanan.

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.




BUCHI ROBEZ

Pa cortesia di:

REFRESQUERIA INGRID

tel: 1849

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di

OFICINA MARITIMA DE ARUBA

TRANSPORTACION DI MERCANCIA Y MUDANZA TEL: 2664/1622.



DICK TRACEY

